

蓄養萬物賴此三者以成三生萬物也物之生也負陰而抱陽氣者爲陽得之於天也形者爲陰得之於地也然物之生皆背陰面陽陰陽相含冲氣和也萬物得此冲和之氣以遂其生道之常也然人之情喜榮而惡辱尊貴而鄙賤孤寡不穀者乃不美之名人之所惡而王公自稱之者損爲益之基也是以至人教人損於外以益其內故曰損而益之也若恃貴高務益於外者其必損乎內故曰益而損之也人之教人無非欲其爲善去惡與我尙柔弱去剛強之義同故曰亦我義教之也觀彼強梁之人任權勢尙詐力適以招禍必不得其善終故聖人惻之發以教人故曰吾將以爲教父也

道藏輯要

道德下經釋辭

聖

心集九

天下之至柔章第四十三

天下之至柔馳騁天下之至堅無有入於無間吾以是知無爲之有益也不言之教無爲之益天下希及之

水至柔也而能摧山陵之至強氣至柔也而能入金石之至堅無有者無形之有謂之妙有也無間者如無隙之謂也物之至微莫若微塵尙不能入無隙之間惟無有之妙雖天地之大包之而有餘秋毫之末貫之有餘地金石之堅入之而無礙也不言者非無言也迫而後應不得已而後言又何言之有也無爲者無心於爲而無不爲之義雖若有爲猶無爲也吾由是知無爲之道誠有補於心矣然而不言之教無爲

之益本無可說順理自然其道如是之簡而人鮮及之者滯於言而妄爲之也若以必言而後明必爲而始就其所爲亦甚勞所及亦甚寡蓋其不知無言無爲之妙所以學者眾而成者寡也

### 名與身章第四十四

名與身孰親貨與身孰多得與亡孰病是故甚愛必大費多藏必厚亡知足不辱知止不殆可以長久

名貨外物也得之何忻失之何戚達斯理者得失在物不在已也溺於名利者不得則大費心力以求之是所求者輕而所失者重愛小喪大求於末棄其本也利者禍之媒多藏者

道藏輯要

道德下經釋辭

聖

心集九  
六四八

禍必大亡必厚也惟知足者識名利如幻或不貪不戀以聽其自然知足常足何辱之有也知止者止其所當止不僭不忒而安於其分知止則止何殆之有也如是則不被外物所誘得失所病此身可長久也竊嘗論之曰名者坑人之陷窞利者喪人之斧斤名利有分非能強求而人苦不知以功名憂苦其身心以貨財焦勞其形體何其愚也不知名利爲何物身爲何物也名利外物至小也身者天之與我至大也以至大徇至小是不重其所重而惑其所輕棄其本逐其末也嗚呼名之與身孰親貨之與身孰多得之與亡孰病一息不來名兮利兮於我何有且甚愛必大費多藏必厚亡則甚愛